

44208

Nauki przyrodn. r. 1111.

Hypothesum Astronomica-

rur

ΣΤΖΗ'ΤΗΕΙΣ ALTERA

DE QVOTIDIANA
TELLURIS IN ORBEM
REVOLUTIONE:

vulgo

DE PRIMO MOBILI.

Qua

PRIMO MOTORE ADJUV.

Disputatione publica ordinaria

habebitur

In Gymnasio Dantiscano

PRAESIDE

M. PETRO CRÜGERO, PROFES-
SORE MATHEMAT.

RESPONDENTE

BARTHOLOMÆO SCHULLERO

Berlinensi

Ad d. XVI. Aprilis, Anni 1616.

Horis & loco solitis

DANTISCI TYPIS HÜNEFELDIANIS.

W. IX. 58 6p

D

*Magnificis, Nobilissimis & Amplissimis
Viris*

Dn. EGHARDO à KEMPEN,
Reipubl. Dantiscanae Burggravio Regio, Consuli
& Scholarchæ meritissimo.

Dn. IOHANNI SPEIMANNO
à SPEY, Equiti Aurato, & ejusdem Reipubl.
vice-Præsidi Consulari

Dn. ANDREÆ BORCKMAÑO,
in eadem florentis, Reipubl. Proconsuli prudentis,

Nec non

Spectatissimis ac Integerrimis Viris.

Dn. GEORGIO SCHRADERO,
Centumviro,

Dn. HEINRICO PLASTERO,
Civibus & Mercatoribus apud Gedanenses
primariis,

**Dn. Fautoribus, Meccoenatibus, promotoribus suis libe-
ralissimis, hoc quaecunque debita gratitudinis
Symbolum, & observantiae testimonium, eâ
qua per est reverentia, eo quo par honore,**

Demisse

Offert & Sacrat

BARTHOLOMÆUS SCHULLERUS
Respondens.





THESES DE PRIMO M O B I L I.

I.

Superiori Hypothesum Astronomicarum disputa-
tione eo proVecti sumus, ut Primum illum 24 ho-
rarum spatio definitum Motum non à supremi
cæli, sed globi terreni, revolutione dependere collige-
remus: Quod utrum veritati sit consentaneum, præsen-
ti disquisitione videre libet.

II.

Cum autem hæc sententia sacrosanctis literis adversari
videatur, & omnis philosophatio sine Theologiæ venia sit in a-
nis, ante omnia mentem hujus Domina explorare necesse est.

III.

Sanè dura videntur contra nostram sententiam verba,
cum Sol & Stella, non terra, moveri, oriri & occidere dicuntur,
Psal. 19. v. 6. & 7. Psal. 74. v. 16. Psal. 104. v. 19. & 22.
Eccl. 1. v. 5. Esa. 38. v. 8. Esa. 60. v. 20. Syr. 48. v. 26. &
alibi: duriora, cum diurnus Solis motus inhibitus inter maxi-
ma miracula numeratur, Josuæ 10. v. 12. & 13. Abac. 4. v.
12. Syr. 46. v. 5. durissima, cum globus terrenus dicitur fun-
datus (hoc est, instar ædificiû super immota fundamenta con-
ditus, ut quidam explicant) Job. 38. v. 4. Psal. 24. v. 2. Psal.
75. v. 4. Psal. 89. v. 12. Psal. 102. v. 26. Heb. 1. v. 10. &
ita quidem fundatus, ne moveatur in seculum seculi, 1. Paralip.
17. v. 30. Psal. 93. v. 1. Psal. 104. v. 5. Psal. 119. v. 90.

IV.

*Sed bene habet. Scripturam tripliciter nobis con-
re videmus. Primò extra Articulos Fidei, plerumq; pro capite
populari loqui, & huic etiam de industria sese accommodare,
compluribus locis ostendit. Nec cum Expansum Aëris nomine
Cœli dignatur, Gen. 1. v. 6. 7. 8. Levit. 26. v. 20. Deut. 28.
v. 23. & 24. cum volucres cœli dicit Gen. 1. 2. 6. 7. 9. & c.
Psal. 8. & 104. Matth. 6. Luc. 8. cum cœlo tribuit columnas
Hiob 26. cum extremitates terræ nominat, Psal. 2. 22. 48.
72. 135. cum terræ tribuit pedamentum, lapidem angularem,
angulos vel alas, latitudinem, Hiob. 38. cum Solem etiam ad
Aquilonem flecti dicit Eccles. 1.*

[In his omnibus si quis τὸ ἐντὸν urgeat, in chaos anti-
quum disciplinas nobilissimas, Physicam, Astron. & Geo-
graphiam coniecerit.]

V.

*Facit hoc scriptura bono humano. Cum enim oculorum
sensu plurima & potissima discamus, difficilimum & penè im-
possibile est. hominibus abstrahere sermonem ab hoc oculo-
rum sensu. Quin in multis quotidie secundum oculorum sen-
sum loquimur, etsi certò scimus rem aliter habere.*

[Exempla sunt in promptu, Virgil. 3. Æneid. ait: Pro-
vehimur portu, terræque urbesque recedunt.

Sic è vallibus ascendentes, magnum se nobis aperire
campum dicimus.

Sic Ortum & Occasum Siderum, pro eorundem ascen-
su & descensu accipimus, cum ascensus tamen ac descen-
sus per se & absolutè nullus sit.

Sic Solstitium dicimus, etsi scimus Solem revera nuna-
quam stare. Sic Planetas alios vocamus stationarios, si per
dierum aliquot intervallum penes easdem stellas fixas,
eos hærete conspiciamus, etiamsi novimus, illos linea quasi
recta deorsum vel sursum moveri.]

Qua-

Quapropter Spiritus Sanctus nobiscum locuturus de rebus naturalibus (ubi non est ejus institutum de illis docere) loquitur vulgari more, ut ab omnibus percipiatur: & utitur aphorismis talibus, qui sunt apud omnes in confesso, ad insinuanda scilicet alia sublimiora sive divina.

Vl.

Non dicimus Scripturam nusquam de rebus naturali-
bus Physicè vel Astronomicè loqui: quippe quæ multos habet
locos expressè Physicos aut Astronomicos, ut Gen. 30. v. 37.
& seqq. Job. 9. v. 9. & c. 38. v. 30. Amos 5. v. 8. Sap. 7. v.
2. item alibi: Sed hoc tantum dicimus, Scripturam extra res
divinas adeò sese ad sensus externos accommodare, ut cum re-
rum naturalium veritas (sive scientibus sive insciis homini-
bus) à sensibus discrepat, ad sensum potius quàm ad rationem
& rei naturam plerumq; loquatur.

Vll.

2. Deinde Scriptura de quorundam thesi 3. adducto-
rum locorum injuriosa ad præsentem materiam detorsione
conqueri possit. Quid enim huc Psalmus 75. aut 93. qui
sanè nullum dogma Physicum eradunt, sed regnum Christi
celebrant? Idem juxta nonnullos agit Psalmus 19. Simili-
ter Ecclesiastes cap. 1. non agit Physicum, sed homines admonet
mutabilitatis suæ. Terram ait manere eandem, sed ter-
rena subinde mutari, quod quamvis per se pateat & omnium
oculis observetur, tamen parùm perpensi Salomon in-
culcat.

Vlll.

3. Denique sunt nonnulli loci, qui ut maximè secundum
liceram intelligantur, tamen nostræ quidem sententiæ pla-
nè non adversantur. Quales sunt Psalmus 24. 89. 102.
104. 119. & 1. Paralip. 17. ut & Heb. 1. Fundamenta

Terra
sicut ē
nihilō
condita
sic super
nihilō
(h. e. i-
magina-
rio pun-
cto, cen-
tro) fun-
data est.
Job. 26.
v. 7.

namq[ue] terra, ut fundamenta totius mundi, firmiter locata ultero
asserimus, super basin & stabilitatem suam, hoc est, locum à
Deo præfinitum (aut Mathematicè super centrum & axem
suum) ne dimoveatur, aut inclinet, aut nutet, (ita sonat He-
braicum) id est, ne vetustate fatiscat aut ruat, ut solent ædifi-
cia humana, in seculum seculi. Item motus Solis & Stellarum
reliquarum, Psal. 74. v. 16. (ubi tamen aliorum versio non
Motum sed Lumen habet) nos non oppugnat, ut qui motum
Stellarum proprium non negamus. Item Esa. 60. & Psal.
104. v. 19. & 22. & alibi Stellæ oriri & occidere rectè dicun-
tur, etsi ortus ille & occasus à motu terreno promanet, ut thes-
64. declarabitur.

IX.

Et quid, si locos 1. Paral. 17. & Psal. 104. v. 5. qui
nobis præ aliis adversari videntur, ad hanc disputationem æ-
grè referri posse dicamus? Occupantur enim celebrandâ ma-
gnificentiâ DOMINI, qui fecit hæc omnia. Non docent igno-
ra, non inquirunt incognita, sed mentem revocant ad nota &
tamen neglecta, scilicet ad considerandam magnitudinem &
potentiam divinam in tantæ molis, tam firmæ, tam stabilis,
creatione. Certe Psalmus 104. mundum oculis apparentem
ordine percurrent, dici possit Commentarius super Hexæ-
meron Geneleos, ut admonet & explicat Kepplerus in Phy-
sica sua cælesti.

X.

In Regressu Solis 2. Reg. 20. & Esa. 38. aliquid etiam
considerare velimus. Dicitur dicto cap. Esa. v. 8. Sol regressus
decem lineis horariis. At ubi, & quomodo? id explicant verba
proximè præcedentia, & in cap. 20. lib. 2. Reg. nimirum in ho-
rologio retroducta est umbra styli horarii, ut ita quasi Sol
ipse visus sit retrogressus. Atqui umbra styli retrogrædi potest,
sive motu diurno Sol moveatur sinistrorsum, sive Terra dex-
trorsum.

Sum-

XI.

Summa huc redit, ut his locis, velut & Jos. 10. Abac. 4. Syr. 46. nullum dogma Physicum aut Astronomicum inculceatur, sed stupendum & nunquam aliàs audisum miraculum à Deo editum deprædicetur. Et sanè tantum nobis censetur miraculum, si motus terræ cohibeatur, quantum aliis, si motus Sphæra decima.

XII.

Nec est quod quis existimet, auctoritati Josuæ detrahi, si penitioris Astronomiæ minùs ipsum gnarum censuerimus. Ipsius votum absq. dubio hoc fuit, ne Sol occideret antequam delevisset hostes. Voti Deus ipsum fecit compotem inhibito motu telluris, licet ipse putaret inhiberi motum Solarem. Nihil, inquam, hæc ignorantia detrahit hujus Magni Ducis auctoritati, siquidem is impletus quidem fuit Spiritu sapientiæ, Deut. ult. sed scilicet Politicæ non Astronomicæ; neq. enim Deus Josuam populo Israëlítico constituit Astronomum sed Ducem bellicum.

XIII.

Ita videmus, non adeò hostiliter, ut quidem putatur, sacras literas nobis contradicere. Quarum veniâ demum impetratâ nunc in liberos Philosophiæ campos exspatiabimur.

XIV.

Contemplamur autem hic globum terrenum in se totum, partibus tam internis quam superficialibus coherentem: & idcirco totum ita coherentem à partibus superficialibus revulsis planè distinguimus, easq. tanquam heterogeneas ab hac disquisitione segregamus.

XV.

Thesis nostra hæc est: Globi terreni centrum quidem idem esse cum centro Universi, axem etiam ejus esse partem axis mundani, centrum item & axem immotè quidem quiescere; partes autem globi reliquas 24 horarum spacio uniformi-

ter circumrotari, ab occasu per meridiem versus ortum, ut corpora simplicia cætera: Atq; hinc nobis videri cælum totum, quiescente terra, circumvolvi ab ortu per meridiem in occasum.

Dum terræ motum tribuimus, cælo motum omnem non adimimus, sed proprium ipsi relinquitur. Vide infra th. 19.

XVI.

Assertionis nostræ rationes hæc sunt. 1) Terra cum sit corpus naturale, proprietates etiam corporis naturalis, & inter eas Motus, ipsi denegari nequeunt.

XVII.

Sed è 4 Speciebus Motus non competit ipsi Generatio vel Corruptio, non Accretio vel Diminutio, non etiam Alteratio (ut quæ vix ac ne vix quidem ad centesimam semidiametri terræ partem à superficie descendit) quid igitur aliud quam motus localis?

XVIII.

Motus globi terreni rectilineus nullus est. Ergo solus & unicuique Circularis.

XIX.

2. Exigit hunc motum Harmonia systematis mundani, in quo corpora simplicia visibilia reliqua motum suum omnia peragunt ab occasu per meridiem versus ortum, alia tardius, alia celerius, pro magnitudine sui circuli. Stella fixæ, quarum regio omnium remotissime à centro mundi distat, ægrè annis 70 singulos gradus conficiunt: Saturnus, grandi intervallo propior, totum suum circulum absolvit annis circiter 30: Jupiter annis 12: Mars biennio: Sol annis singulis: Venus & Mercurius temporis intervallo ferè pari: Luna singulis mensibus. Quidni ergo terræ pariter extra axem omnes eam harmoniam continuene & observent?

XX.

3. Quem in finem etiam Deus terram condidit globosam, sua axe, suis polis adornatam: polis, inquam, non tam imaginariis, quales sunt cælestes, quam realibus, hoc est, certis terræ locis sua proprietate polum Arcticum & Antarcticum ostendentibus.

Neg.

XXI.

Neg e nim sufficit, partes terrenas pari nisu versus centrum tendentes, terramq; in se comprimentes, figuram efficere globosam: causa hæc esset fortuita, omni sine desituta.

XXII.

DEUS in prima creatione Terram non è particulis hinc inde ex aquo versus centrum convocatis, sed è nihilo simul totam produxit, eamq; globosam; quam si motus omnis expertem esse voluisset, cubicam ipsi potius aut aliam angularem, quicquid apriorem, attribuisset figuram.

XXIII.

Solam etiam figuræ Sphæricæ pulchritudinem hæc Deum respexisse non est verisimile, ut qui in cæteris mundi partibus præter pulchritudinem etiam alios fines respexerit.

XXIV.

4. Magnes ad globositatem conformatus, evidens est simulachrum globi terreni, quem non tantum thesi circulorum, axis, & polorum, sed & aliis proprietatibus imitatur, experientia teste.

XXV.

Jam Petrus Peregrinus, magneticarum operationum scrutator eximius, cap. 10. restatur Terrellam (ita quibusdam nuncupatur magnes globosus) debito modo instar globi Astronomici vel Geographici suis polis suspensam, suapte natura 24 horarum spacio integrè circumvolvi. Quæ si vera sint (auctorem attestantia cæterorum experimentorum ab ipso productorum examina fide dignum faciunt) de Magni Magnetis, globi terreni, quotidiana revolutione quei dubitemus?

Petrus hic Peregrinus, Maricurtensis Gallus, vixit ante annos plus minus trecentos. Ejus tractatum de Magnete & Rota perpetui motus in lucem primus edidit Achilles Gasserus Augustæ Vindel. Anno 1558.

XXVI.

5. Tandem admissio motu terræ multa vitamus inconuenientia, ad quæ denegato terræ motu delabimur. Ut sunt præci-

puè. 1 Cælum eodem temporis momento duobus contrariis cieri motibus. 2 cieri motu supra omnem fidem & naturam pernici. Quæ duo præcedenti disputatione satis declarata sunt.

XXVII.

Ex his verò tanquam parentibus numerosa generatur soboles Peripateticæ imprimis Philosophiæ & Astronomicis observationibus infensa. Ut 1 unius corporis simplicis duplex eodem tempore motus. 2 motus localis in instanti. 3 Stellarum motus accidentarius, alienus, raptus, &c. 4 In corpore simplicissimo raptus, tractio, violentia. Quod si orbes defensentur reales, sequitur 5 Sphæræ cujusdam anastræ, fictitiæ, vis ineffabilis & supernaturalis. 6 Cæli duritas, attritio. 7 Penetratio dimensionum per Martem acronychum & epicyclum Veneris. 8 Novorum orbium apparentibus novis Stellis aut Comectis insinuatio, & iisdem disparentibus evanescencia. Quæ superiori disputatione jam exposita, pluribus hîc repetere non opus est.

XXVIII.

Rationibus nostris accedunt Autoritates. Ut enim de Neotericis taceamus, è vetustate producimus Platonem & Pythagoræos, de quibus thesi 27. 28. 29. & 37. disp. præced.

XXIX.

Aristoteles quidem, Philosophiæ Peripateticæ princeps, Motum terræ multis argumentis oppugnans, per universum pænè literatum orbem familiam ducit gratiosam, potentem, cui sese non facile quis opponat: attamen cum ipsemet in Astronomicis fidem haberi velit Mathematicis, 2. De cælo t. 60. & 12 Metaph. t. 44 Mathematica verò magis exulta fuerint in Scholis Platonis & Pythagoricis, quam in Peripateticis; veniam speramus, si auctoritatem Platonis & Pythagoricorum hac in parte parem faciamus Aristotelicæ.

XXX.

Quid? quod ipse Aristoteles 1. de Cælo t. 5. disertè dicit,
Omnia

Omnia corpora naturalia per se esse motu locali mobilia, siquidem Natura sit ipsis principium Motus: Et 2. de Cælo t. 86 dicit, Omnino necessarium esse aliquem Terræ motum localem. Quæ sit itaq, quod postea Globo terreno tam rigide detrahat, quæ hîc tam benignè largitus est?

XXXI.

Sed argumenta Aristotelis & aliorum nobis adversa ponderare necesse est. Quod ut commodè fiat, primò quædam Axiomata seu fundamenta quorundam solutioni subtratu necessaria ponamus.

XXXII.

1. Motus lapidum, glebarum, aliorumve in altum projectorum, non est motus corporum simplicium, sicut & th. 14. dictū.

XXXIII.

2. Rota vel Sphæra circumgyrata rapit simul secum vicinum aërem, & in aëre pendentia, pro rota tamen quantitate & motu proportionata.

Experimentum est in stipulis aut plumis, vel ad rotas colum circumactas ad motis.

XXXIV.

3. Et hæc violentia aëri impressa ad sexagesimam minimum semidiametri partem à superficie spherica vel orbis extenditur.

XXXV.

4. Rosarum aut spherarum æqualium, quæ gravior, ea motu concitata validior, & impetus recepti tenacior.

Periculum fac orbiculo orichalcico & ligneo æqualibus, itemque sphærolâ orichalcica & lignea.

XXXVI.

5. Hinc sequitur, motû in orbem tellure circumduci simul totam aëris infimam regionem, cum omnibus in ea existentibus.

XXXVII.

6. Sequitur porrò motum projectilium in aëre nunquam esse uniformem, sed semper irregularem è pluribus compositum.

Corporum quidem simplicium motus simplex est & unus: at mixtorum duplex, imò sæpe multiplex & eodem tempore varius. Sic e. g. si globus Astronomicus moveatur simul & axis libratione (in meridiano polos elevando ac deprimendo) & vertigine circa axem, interea vermiculus repat in globo vertigini contrarius; patet vermiculi motum esse triplicem. Sic avis in cavea portatâ simul & gyratâ tripliciter movetur. Sic item rotulæ Horologii à navigante versus puppim ambulante delati. Simile quid accidit projectilebus in aëre. Cum primum eijciuntur, duplici motu moventur; pulsione, versus locum propellenti propositum; & vectione, ab aëre terram circulariter comitante: cum impetus pulsionis languescit, accedit paulatim motus naturalis deorsum, tanquam tertius; qui tandem pulsioni penitus fugatæ succedit plenariè.

XXXVIII.

7. Omnis motus rectilineus fit in linea imaginaria terminis à quo & ad quem brevissimè intercepta, nusquam interrupta. E. g. globulus bombardicus ad scopum emissus fertur in linea, orificio sclopeti & scopo intercepta, nusquam inclinata.

XXXIX.

8. Cujuscunque circuli vel sphaeræ Radii possunt numero esse infiniti, qui etiam extra Circulum aut Sphaeram infinitè contrinuari possunt. Theorema Geometricum.

Radii verò Circulares aut Sphaerici sunt ad circumferentiam perpendiculares, ut è Geometricis notum est.

XL.

9. Hi radii, circumvoluto circulo vel sphaera, sequuntur singuli motum sui corporis, nullâ interveniente rupturâ: non secus ac radii rotarum curulium. XLI.

10. Sensus circa proprium objectum sæpe fallitur, nisi temperata sit rei sensilis & sensorii distantia. Theor. Physicum.

XLI.

11. Inaequali celeritate latorum eò quo fertur oculus, ea quidem quæ feruntur æquè velociter atq; oculus, oculo quiescere videntur.

videntur: quæ verò tardius, in contrariam partem moveri; quæ celerius, in præcedentia ferri apparent.

Est theor. 53. Opt. Eucl. quo cum consentit p. 39. lib. III. Alhaz. item p. 135. & 138. li. IV. Vitell. & astipulatur experientia. Si navigio navigium prætereamus, navigium nostrum nobis quiescere, & illud alterum retrogredi videtur, cum revera eò, quò nos, tendat, sed non æquè velociter.

XLIII.

Hic & aliis, jam antè sat notis, innixi fundamentis, argumentorum obijci solutorum impetum facile sustinebimus, singula, quæ quidem novimus, ordine excepturi.

XLIV.

1. Talis esset motus elementi totius terreni, qualis est partium. At hæc moventur motu recto; Ergo & terra tota, si moveretur. Item: Si terra moveretur Circulariter, unaquæq; particularum hunc motum imitaretur. Atqui nihil tale in particulisprehendimus. *Argumenta hæc à partibus heterogeneis ad totum nihil concludere, patet è th. 14.* Motus ille particularum potiùs violenter avulsarum, totiùs reuniri sacagentium, nihil habet communitatis cum motu totius in genuino loco. Perinde ac si quis particulam corporis Solaris vi revulsam manumittat, illicò illa ad Solem tanquam nativum locum rectè revolaret, nec tamen ex illo particule Solaris motu de motu totius Solis judicare par est.

XLV.

2. Circulariter mota, exceptâ primâ sphærà, moventur motu duplici, ut patet è motibus cœlestibus: Ergo & terra, si moveretur. Atqui sic fierent conversiones & mutationes stellarum fixarum, sic ut eadem stella in eodem Horizonte versus aliam atq; aliam plagam oriretur aut occideret: quod tamen experientia refutat. & Antecedens nihil probare, utpote de quo controversitur; imò duplex cœli motus adductis superiori disputatione rationibus negatur. Deinde quomodo Ortus & Occasus fixarum in eodem Horizonte sibi non constarent, etiam duplici terræ motu posito, cum tamen Copernici triplex Terræ motus nihil horum turbet? Et quid ab Elemento terræ duplicem motum hic

Arist. 1.
De Cœl.
t. 19. &
2. De Cœl.
t. 96. &
102.

2. de Cœl.
t. 97.

exigit Aristoteles, qui corporis simplicis simplicem tantum esse
motum toties inculcat?) De Cael. 1. 57. lib. 2. c. 8. 9. 18. 23.
102. &c.

XLVI.

c. 98.

c. 92. &
4. Phy. 1
30.

3. Motus tam Totius quam partium est tantum ad centrū
Vniuersi, quod assecutæ quiescunt. Simile est illud : Quod a-
liquid naturaliter fertur, ibi naturaliter quiescit. Terra tota
simul & partes ejus feruntur ad centrum Vniuersi. Ergo. R.
ex thesi 14 & 44, partes heterogeneous huc nihil facere, & ex
thesi 22. Tellurem totam ad eum locum, quem nunc occupat,
motu rectilineo nequaquam deuenisse. Deinde corpora natu-
ralia in loco naturali planè quiescere Aristoteles alibi non ad-
mittere: siquidem ipsi & ignis & exhalationes cum sursum fe-
runtur tum rapen primi mobilis in circulum aguntur.

XLVII.


Nimirum tam globus terrenus quam cælum stellatum
quiescunt à motu ad locum, non autem à motu in loco. Quam
distinctionē Arist. ipse suppe dicat 8. Phys. c. 76. ubi dicit sphae-
ram circa proprium axem circulariter moram & moveri simul
quiescere, propterea quod eundem semper locum occupet.

XLVIII.

2. De Cæ.
1. 101.

4. Pondera in altum perpendiculariter emissa reci-
dunt in pristinum locum, etsi in infinitum violenter emi-
tantur; quod fieri non posset, si terra moveretur circu-
lariter. Simile argumentum est illud, quo lapis à turri decedens
dicitur non posse juxta turrim decidere, si terra cum turri
interea moveretur. R. id fieri non tantum posse sed omni-
nò oportere, siquidem emisilia, siue sursum siue deorsum, fe-
runtur in linea recta terminis à quo & ad quem intercepta,
quam deferere nequeunt per th. 38, ista vero linea, quoniam
emisilia feruntur à terra vel ad terram perpendiculariter,
nihil aliud est quam radius Terræ extrà continuatus, th. 39.
Radius iste sequitur motū Telluris th. 40. atque ita deferre nec
exera se effundit misilia th. 38. sed efficit, ut in idem punctum
recidant, & quo Radius iste supra superficiem terrenam educitur.

In gratiam tyronum esto A centrum terræ, B B B
 vél 1 2 3 arcus superficiei terrenæ, quasi arcus æ-
 quatoris, recta A B 1 radius sphaeræ terrenæ extra
 continuatus, ad superficiem perpendicularis, cui
 turris aliqua adhaereat quasi B 1 C. Decidat ergo
 projectile quoddam C perpendiculariter supra
 lineam A B 1 deorsum; manifestum est id ferri in
 recta C 1 B. At interea ipsa C B A circumducitur
 motu globi terreni ab 1 per 2 in 3, sic ut cum
 punctum B pervenerit ad 2, projectile C in sua
 perpendiculari jam descenderit medio circiter
 itinere, cum ipsa devenerit in 3, projectile terram
 attingat. Attingit itaq; terrā prope eundem terræ
 radium (siquidem A B 1, A B 2, A B 3 ex hypothesi
 sunt unus idēq; radius à Tellure circulariter promotus) adeoq; in loco
 juxta turrim genuino, id est, in principio motus perpendiculariter sibi
 subiecto. Sic si projectile C perpendiculariter à B 3 emittatur sursum,
 radio A B 3 promotum in 2 erit projectile C in medio ascensu, promotum
 in 1, erit in supremo termino. XLIX.



Accedit adjumentum aëris motum terræ circularem co-
 mitantis, & projectilia secum deferentis, per th. 34. & 36
 Non secus ac stellæ à suprema Alphonsinorum sphaera circum-
 ferri creduntur. L.

Quod autem Aristoteles addit: Et si in infinitum violen-
 ter emittantur, extra scopum est. Quæ namq; violentia vel ad
 unius miliaris intervallum projectile sursum propelleret, cum
 interim Aëris concomitantia multis in altū miliaribus exten-
 datur, per th. 34. & 36. LI.

5. At aves tamen altius volare videntur, quæ est Orbis
 ille concomitantia? R. non supra nubes evolare certum est,
 cum & rationibus & experientia constet, aërem illum superio-
 rem vix respiratori, multò minùs alarum remigio, sufficere. LII.

7. Si terra moveretur, Aves, cum extra infimam aëris re-
 gionem

gionem non evagentur, non optata conficerent itinera, sed ab aëre terram comitante semper impedirentur; id cum falsum esseprehendatur, terrâ quiescere sequitur,

LIII.

lib. I. E.
pist. A.
fron.
pag. 188
& 189.

Simile, sed majoris momenti, argumentum est, quod nobis. Brabeus Rothmanno objecit, & Rothmanno interea gravissimis morbis prostrato, tanquam insolubile promulgavit: Si terra moveretur, aut, quæ fieri posset ut aëre tranquillo globus tormentarius pari pulveris pirii virrute (paribus etiam cæteris) tam versus ortû quâ versus occasum explosus æqualia emetiretur spatia? Siquidem mota interim Tellure globus versus ortum explosus vix ipsum tormenti anteverteret, versus occasum contra multis debitum spatium milliaribus superaret. Nodus hic utut primo intuitu Gordius, solubilis tamen est, non gladio sed cerebra th. 37. Omnino enim globus tormentarius explosus duobus fertur moribus, Vectione per arcum aëris circularem, & Pulsione ad scopum propositum; quibus eandem, vi pulsionis languescente, accedat etiam ceteris, Motus scilicet Reunionis cum Tellure.

LIV.

Perplexa videtur hæc solutio? Cogitetur similis motus alicujus rei a navis velificantis medicullio nunc ad proram nunc ad puppim delatæ. Verâq; ad metam est eadem distantia, cui nihil derogat motus navis interea promotæ. Cogitetur stellæ (quarum minima quarq; ad minimam Telluris partem adequat) secundum Alphonsinos motu sphaera decima singulis arteriæ pulsibus supra 2500. mill. Germ. rapi versus dexteram, & nihilominus motu proprio ferri versus sinistram. Præposterum est motum eodem tempore duplici corporibus mixtis derogare, simplicibus assuere.

LV.

De Avium volatu res est aperciissima. Nonne avis in cavea satis ampla, quod vult, volat, etsi interim cavea huc illuc deportetur?

LVI.

8. At impossibile videtur, tantæ molis globum, tam pigrum, grave, crasum & ad motum inhabile corpus, tant-

pernitate rotari, ut locus aliquis sub *Æquatore* singulis horis 225 milliaria Germanica (tot enim proveniunt diviso toto ambitu 5400 per 24) decurrat. R^x primò, Corpus terrenum utut grave, crassum & ingens, non tamen pigrum & ad motum inhabile esse, patet è th. 20 & 35. Attestatur Philosophus 2 De Cal. t. 51. figuram sphericam ad motum in loco aptissimam esse & motum causari velocissimum. Deinde motus horarius terræ 225 mill. longè possibilior est motu horario sphaeræ Alphonsinorum decimæ, cujus semidiameter semidiametros terræ nas 45225 exæquat, & idcirco puncta ejus sub æquatore feruntur singulis horis mill. Germ. 10186393. singulis minutis 169773, singulis secundis 2829. hoc est, singulis arteriæ pulsibus 2546. mill. Supra fidem & naturam hæc sunt. Tycho- nis diastemata contractiora quidem sunt: attamen & juxta illius numeros Stellæ firmamenti prope *Æquatorem* singulis horæ scrupulis secundis (hoc est binis oculi nictibus) iter faciunt 876 milliarium, tantæ inquam magnitudinis corpora, quorum vel minima quartam Terræ partem exæquant.

LVII.

9. Hinc simul fiat judicium de isto, quo nonnulli admissio motu Terræ circulari, verentur cunctorum ædificiorum ruinam. Vereantur potius, ne stellæ, corpora multis modis tenuiora, multis milliarium myriadibus ampliora, per supremi cæli motum omni cogitatione humana velociorem dissipentur, & in nihilum abeant. Terrena compactiora sunt, & vix decimam quintam unius milliarii partem assequuntur eo tempore, quo Stellæ motu supremi cæli 876 milliaria conficere dicuntur. Proportio est, quæ unitatis ad 13140.

LVIII.

Si Circularis terræ Motus esset violentus, & aer ipsi resisteret, utiq; verenda esset concussio, & rerum nascentium corruptio. Sed hic naturalis est in loco naturali, conservatore a sui locati; nec resistit aer sed comitatur. Tam igitur impossibile est concussio, quam impossibile, ut Antipodes in cælum ruant.

a Zabar.
c. 8. De
motu
Ign.

LIX.

10. Quod ulterius infertur, Si cœli sit aliquis motus (ut certe est, vide th. 19. necesse esse ut Terra quiescat, siquidem omnis Motus fiat super immobili; negamus, illud immobile, super quo sit motus Cœli, Terram esse, sed esse potius Centrum & Axem Universi. Cujuscunque enim sphaera rotatio fit super axe suo tanquam immobili, quod vel mechanici norunt.

LX.

11. Ejusdem valoris est illud, quo Terra centrum Universi dicitur, ac propterea quiescere debere contenditur, cum omne centrum a sit immobile. R. nec omne centrum immobile esse, testantibus (ut epicyclos &c. taceamus) centrīs Solis & aliarum stellarum; nec terram propriè sed terræ centrum^b esse centrum Universi. Esi enim terra sit instar puncti, respectu Firmamenti, h. e. proportio magnitudinis ejus ad magnitudinem firmamenti sit insensibilis; tamen in se considerata punctum est nimis crassum, ut quod in se continet 2662560000 milliarum cubica.

LXI.

12. Vanum est id, quod admissio circulari motu terræ nulla foret vicissitudo temporum. Sequeretur hoc, si terrā motā cælum univērsū quiesceret; id quod ne Copernicus quidem asseruit. Moveretur terra, moveretur Cælum. A motu terræ (& additamento Solis) est Dies; à motu Lunæ Mensis; à motu Solis Annus & 4 anni vicissitudines.

LXII.

13. Videmus tamen ad oculum, a juri, moveri cælum, nec ullo modo sentimus moveri terrā. R. ex th. 4. Sensum hac in re falli propter immodicam cœli distantiam. & ex th. 42. Oculum, Terram, Cælum, inæquali velocitate (terrā velociore) versus eandem plagam ferri, nempe versus ortum; ideoq; terrā, oculo æque velocem, videri quiescere, cælum autem in plagam contrariam versus occasum rotari.

LXIII.

Distantiam, Motum, & Magnitudinem corporum cælestium solo sensu dijudicare prohibemur: nisi quis & Solem & Lunam sesquipedalem, & omnes stellas æquē à nobis distantes & planetas re vera stare ac retrogredi, & Luciferi stellam aliam ab He-

a 2. De
Cœ. t. 17

b 2. De
Cœ. t.
100.

spero, & cælum horiæonti terreno circumquaq; connexū, & quæ ta-
lia sunt alia, æstimare malit. LXIV.

14. Quid igitur Solem &c. oriri & occidere dicimus? quin
dicamus oriri & occidere loca terræ. & non opus esse innovari
usitatas loquendi formulas. Oriri quid dicitur cum apparere inci-
pit; occidere, cum disparere. Si ve autē Cælum versus dexteram si ve
terra versus sinistram moveatur, apparere ac disparere stellæ pos-
sunt. Sic etiam heliacè dicuntur occidere & oriri stellæ cum radios
solares subeunt & ex iisdem emergunt: cum tamen constet non
stellas (præter q̄ interdum, q̄ & d) ad Solem & à Sole, sed hunc
ad illas & ab illis accedere & recedere. Vide exempla plura th. 5.

LXV.

15. Quicquid nativæ suæ gravitate parib; nutibus libratur,
ita ut utrinq; in æquilibrio consistat, id necesse est immobile
quiescere: Atqui terra nativâ suâ gravitate ex omni parte fa-
cit æquilibrium: Ergo quiescit immobilis. Argumentum plau-
sibile, sed non unius paralogismi. Videamus primò, quâ universalis
sit major. Ac° magnetica si ve nuda si ve orbi chartaceo (more nau-
tico) annexa, obelisco suo imposita æquidistat horiæonti sic ut utrinq;
(vel in orbe chartaceo ex omni parte) pari gravitate libretur, nec
tamen statim ab omni motu quiescit, sed in æquilibrio etiâ isto cir-
culariter movetur ad acquirendam sui versus polos directionem.
Motū hunc acus magnetica naturalē esse nemo negabit (quanquā
in argumento nihil de nativo motu vel quiete, sed tantū de nativæ
gravitate dicitur) ut nec illum quo gyrū vicini magnetis aut chaly-
bis tempore quantolibet sequitur. Et quid, si jugum libræ vel tale
quid aliud libretur nutib; imparib; ita ut altero extremo sursum als
tero deorsum tendat? nonne tandem quiescet & illud? Equilibra-
rio ergo nihil hîc inferre.

LXVI.

Minor deinde parū propriè Terram in æquilibrio consistere
subsumit. In æquilibrio enim quantitates consistere dicuntur, cum
æquidistat horiæonti. Quomodo verò Terra æquidistet h. e. parallela
sit horiæonti? globus superficiei planæ? Proinde Peripateticis aliâs
causa quietis terrena non est æquilibrium extremorum, sed coar-
ctatio mediorum.

LXVII.

16. Affertur & illud ab Aristot. Si sit aliquod semper

Keckerm
lib. 1.
Geogr.
c. 2, th. 4.

2. De Cæ.
t. 21.

mobile, ut Cælum, requiri etiam aliquod semper immobile, ut Terram. *Sed qua consequentia? Sanè Omnia corpora naturalia esse motu locali mobilia fatetur & asserit ipsemet, vide ch. 30.*

LXVIII.

2. De Cæ.
t. 62. 66.

17. Alio loco Terram quiescere statuit etiam propterea, quod longissimè absit ab Optimo sive Ultimo, quo Æternum Motorem intelligit. *Rationem consequentia hanc habet: Quò quid Optimo propinquius, eò paucioribus motibus ad optimum accedit, quò quid autem remotius, eò pluribus. Hinc fieri, ut Primum Mobile (quo firmamentum intelligit) moveatur tantum motu simplici & uniformi, Mobilia verò secunda pluribus, quasi compositis & laboriosis, & eò pluribus quò remotiora singula sunt à primo. Terram autem cum remotissima sit, nullo modo posse motum istum assequi, ac proinde quiescere malle. R. esse nudas conjecturas, Astronomicis observationibus satis refutatas. Etenim etsi Saturnus Firmamento proximus est, remotiores Mars, Sol, Luna: tamen non Saturni non Martis sed Solis motus est omnium planetarum simplicissimus, regularissimus, & maxime uniformis; difformior & magis compositus motus lune; longè perplexior motus Martis & Saturni. Quamòbrem hæc ulteriori consideratione non indigent.*

LXIX.

Plura contra nos argumenta, quæ quidem aliquantilli sine momenti, jam non occurrunt: si qua sint, eorum pondus examinabitur, cum ad lancem disputationis appensa fuerint.

LXX.

Concludimus itaq, sententiam de Tellure circulariter in suo loco mota nec tam profanam, ut sacris literis obluetur; nec tam esse vanam, ut à Philosophia Peripatetica in exilium relegari mereatur.

✠(O)✠



